

BASES CONCURSO DE DISFRACES

Gran Entroido Meco

O Grove, 9 de febreiro de 2016

Con motivo da celebración do Entroido 2016, O Concello do Grove convoca o concurso de disfraces en función das seguintes bases:

Primeira. O desfile terá lugar o **martes 9 de febreiro, a partir das 17.00 h**, co seguinte percorrido: O Corgo, Beiramar, Luís Casais, Castelaio, Rúa da Praza e Luís Seoane. O itinerario poderá ser modificado por parte dos corpos de seguridade ou a organización se é preciso para garantir un correcto desenvolvemento do desfile.

Todos os participantes no concurso están obrigados a darlle un mínimo de dúas voltas ao percorrido deseñado para optaren a premio. No caso das carrozas de grandes dimensións, unha vez rematadas esas dúas voltas poderán estacionarse nunha zona habilitada para tal efecto na praza do Corgo.

O desfile será organizado por categorías e os participantes deberán respectar a orde asignada no desfile, atendendo ás correspondentes normas de seguridade (anexo I).

Segunda. Para optar a premio é obrigatorio realizar a inscrición, na que deberán facer constar en que categoría queren participar. As inscricións serán gratúitas e realizaranse antes do comezo do desfile na mesa da organización, que estará situada na Casa do Concello **desde as 15.30 h ata as 16.45 h**. Aos participantes proporcionaráselles un dorsal que identificará a categoría. No caso das carrozas, deberá presentarse a ficha de inscrición e a documentación indicadas no anexo II das presentes bases.

Terceira. Establécense as seguintes categorías e premios:

Categoría	Subcategoría	Premio	Contía (euros)
Adultos (máis de 14 anos)	Grupos	Primeiro	600
		Segundo	400
		Terceiro	200
	Parellas	Primeiro	200
		Segundo	150
		Terceiro	100
	Individuais	Primeiro	150
		Segundo	100
		Terceiro	50
Infantil (ata 14 anos)	Grupos	Primeiro	200
		Segundo	100
		Terceiro	50
	Parellas	Primeiro	100
		Segundo	75
		Terceiro	50
	Individuais	Primeiro	75
		Segundo	50
		Terceiro	30
Choqueiros		Primeiro	50
		Segundo	40
		Terceiro	30

Cuarta. Os membros do xurado serán nomeados pola organización e a súa decisión será inapelable.

O xurado valorará a todos os concursantes durante o percorrido do desfile tendo en conta non só a categoría do disfrace, senón tamén a participación activa e humorística durante o desfile.

O xurado e a organización resérvanse o dereito de declarar deserta algunha das modalidades ou categorías ou de establecer un único premio se non se acada un mínimo de 6 participantes, ou se non se consideran cun mínimo de traballo e orixinalidade.

O xurado resérvase o dereito de descualificar aquelas persoas con disfraces que, ao seu xuízo, podan resultar ofensivos, de dubidosa interpretación ou que non cumpran as normas que, ao longo do desfile, vaia transmitindo o persoal da organización, que irá debidamente identificado.

Quinta. O Concello do Grove reservase a potestade de fotografar e/ou gravar os participantes, así como a utilización destas fotografías e gravacións para a promoción deste.

Sexta. O pagamento dos premios faráselles ás persoas ou entidades que figuran na inscrición do concurso, nas dependencias do edificio administrativo municipal. Estas deberán presentar o certificado do premio correspondente e o seu DNI.

Sétima. O Concello do Grove, como organizador deste evento, pode contratar servizos ou establecer convenios de colaboración para a súa xestión ou realización con terceiros, tendentes a mellorar a organización e difusión deste e das actuacións que nel se realicen, tanto por medios audiovisuais e sonoros, radiofónicos, televisivos ou internet, renunciando expresamente os participantes –coa aceptación destas bases– a calquera reclamación por posibles difusión ou explotacións que será, en todo caso, responsabilidade do Concello do Grove.

Oitava. Calquera aspecto non contemplado nestas bases pode ser modificado pola organización, en beneficio do bo funcionamento do concurso.

Novena. As carrozas, camións e vehículos que queiran participar no desfile deberán asinar o Anexo I e cumprir a normativa que nel se establece.

Décima. A mera inscrición e participación no Concurso de Disfraces da Gran Marcha do Entroido Meco supón a total aceptación de todas e cada unha das cláusulas das presentes bases e o veredicto do xurado.

Os premiados daranse a coñecer unha vez rematado o desfile.

O Grove, xaneiro de 2015

ANEXO I. NORMAS DE SEGURIDADE

1. NORMAS XERAIS

1.1. Poderán participar no desfile todas as persoas físicas ou xurídicas, entes privados e organizacións populares que así o soliciten ao Concello do Grove e sexan aceptadas por este, de acordo cos requisitos de inscrición.

1.2. O público, os membros da organización, os concursantes e, en xeral, todos os asistentes ao desfile son merecedores do máximo respecto, polo tanto todos os participantes deberán ter un comportamento correcto.

1.3. Queda prohibida a participación no desfile de calquera vehículo de motor que non estea engalanado ou decorado, estando expresamente prohibida a participación de ciclomotores, motocicletas, triciclos de motor, quads, karts ou minimotos que non formen parte dunha unidade de participación no concurso. Tamén se prohíbe a participación de animais soltos.

1.4. Non se permitirán alarmas, sirenas ou ruídos altos que poidan interferir con outras unidades. Queda prohibida a utilización de calquera clase de lume, xa sexan artefactos pirotécnicos, lanzadores de chamas...

1.5. Todos os participantes formarán parte do desfile pola súa conta e risco. O Concello do Grove non responderá por ningún dano, prexuízo ou accidente que os participantes e os seus vehículos puidesen ter ou ocasionarlles a terceiros dentro do desfile.

1.6. Queda prohibida a realización de espectáculos e sesións musicais que non dispoñan de autorización previa fóra do horario do desfile.

2. NORMAS RELATIVAS A CARROZAS OU VEHÍCULOS

2.1. Condicións xerais dos vehículos

1. Os carromatos, caravanas, carrozas e vehículos que participen no desfile deberán cumprir coa normativa vixente e dispor do seguro obrigatorio e do seguro de responsabilidade civil que cubra os danos a terceiros que se poidan ocasionar durante o percorrido do desfile.

2. Cada vehículo que participe no desfile estará obrigado a levar o seu propio equipo de seguridade ou orde, composto por un número suficiente de persoas garantes destes, que estarán debidamente identificados para a organización e os espectadores. Estas persoas encargaranse de que ninguén interfira a marcha da carroza nin que ninguén se achegue a esta.

3. O Concello do Grove citará as características técnicas mínimas para formar parte do desfile, debendo posuír en bo estado os pneumáticos, sistema de freado, masas e dimensións que non comprometerán a estabilidade do vehículo, luces, capacidade, accesos e equipamentos, entre outros.

4. Todos os elementos que poidan ser accesibles por persoas e animais non poderán presentar aparellos, dispositivos ou calquera outros materiais tales como arestas, ángulos, bordos etc. que puidesen ocasionar lesións. O motor e as pezas móbiles deberán estar protexidos e todos os elementos que se atopen sobre a plataforma do vehículo deberán estar perfectamente ancorados a este.

5. A organización por si mesma ou mediante persoas delegadas encargaranse do cumprimento da seguridade das carrozas coas verificacións pertinentes antes do

inicio do desfile. Así, quedarán fóra do desfile aquelas carrozas que non cumpran os requisitos esixidos.

2.2. Requisitos dos condutores

1. Os condutores dos vehículos ou carrozas deberán ter o permiso de condución que acredite que posúen a autorización para circular pola vía pública con vehículos da clase correspondente aos que conducen no desfile.
2. Os condutores dos vehículos que participen decorados como carrozas no desfile do Entroido deben manter a liberdade de movementos e unha adecuada visibilidade, tendo terminantemente prohibido o consumo de calquera tipo de bebida con graduación alcohólica.
3. O condutor do vehículo será o responsable de prever os posibles obstáculos de redes e infraestrutura eléctrica ou telefónica do percorrido. Deberán analizar coa debida antelación a ruta de acceso máis conveniente ao lugar do concentración e colaborar en todo momento cos organizadores do Entroido e cos corpos de seguridade responsables.

2.3. Condicións técnicas das carrozas

1. Dimensións máximas dos vehículos. No caso dos camións que pretendan participar no desfile, a súa estrutura total será a seguinte:

Lonxitude máxima: 9 metros

Altura máxima: 3,5 metros

Anchura máxima: 2,5 metros

No caso das coches e motos que pretendan participar no desfile, a súa estrutura total será a seguinte:

Lonxitude máxima: 5 metros

Altura máxima: 2,5 metros

Anchura máxima: 2 metros

As plataformas remolcadas por tractores tampouco poderán exceder no seu total desas medidas. As carrozas, plataformas remolcadas e demais vehículos que superen estas medidas estipuladas non poderán participar no desfile.

2. Documentación dos vehículos. Os vehículos participantes deberán dispoñer da seguinte documentación:

- Permiso de circulación.
- Impreso de ter superada a ITV.
- Permiso de condución do condutor.
- Póliza do seguro de responsabilidade civil que cubra os danos de terceiros que se poidan ocasionar durante o percorrido do desfile.
- Certificado documento que acredite que os extintores (cando sexan requiridos) se atopan en vigor.

Toda esta documentación obrigatoria deberá estar dispoñible e serlle amosada aos corpos de seguridade no caso de que lles sexa requirida.

3. Autorización de participación. A organización reservase o dereito de admitir ou rexeitar as carrozas, vehículos ou camións que non estean en posesión dos permisos obrigatorios ou que non reúnan as características oportunas para

manter o nivel, a seguridade e a calidade do evento. A autorización que outorga a organización para participar só se limita ao percorrido do desfile.

2.4. Desenvolvemento da participación

1. Os vehículos que participen decorados como carrozas no desfile deberán en todo caso respectar as normas de tráfico e RD 2822/1998, do 23 de decembro, polo que se aproba o Regulamento xeral de vehículos.
2. As carrozas e vehículos deberán manter unha distancia de seguridade adecuada entre eles, de tal xeito que se permita a súa detención sen alcanzar o que precede.
3. Queda totalmente prohibido que os vehículos ou carrozas estacionen ou se deteñan no circuíto destinado ao desfile de Entroido, agás por causas xustificadas ou indicación da organización.
4. Non se lles permitirá ás persoas subir ou baixar das carrozas mentres estas se atopen en movemento e participen no desfile.
5. A capacidade das carrozas debe ser a adecuada e non se debe exceder esta en ningún momento. Para o cálculo da capacidade máxima de persoas na plataforma libre do vehículo aplicarase a seguinte fórmula: 1 persoa por metro cadrado.
6. Prohíbese botar desde a carroza calquera elemento ou obxecto que poida causar danos ou lesións.
7. Non poderá circular nas carrozas ningún menor sen supervisión.
8. Para dar orde ao desfile, facilitar unha maior fluidez e evitar os embotellamentos, todas as carrozas deberán acatar as indicacións da organización e dos corpos de seguridade e seguir un percorrido obrigatorio que garanta un mellor desenvolvemento do evento.
9. Os vehículos aos que se refire o apartado 2.3.1. deberán dar dúas voltas obrigatorias e, unha vez rematadas as dúas voltas, deberán desviarse á zona portuaria habilitada.

**ANEXO II. SOLICITUDE DE PARTICIPACIÓN NO
DESFILE DE ENTROIDO 2016 (CARROZAS)**



Poderá solicitarse documentación acreditativa da información indicada na solicitude.

APELIDOS		NOME	
DATA DE NACEMENTO		DNI	
DOMICILIO			TELÉFONO
CORREO ELECTRÓNICO			
EN REPRESENTACIÓN DA CARROZA			
<i>Indicar título da carroza</i>			
DIMENSIÓNS DA CARROZA OU VEHÍCULO		DESCRICIÓN DO VEHÍCULO	
ALTO _____ metros		Matrícula _____	
LONGO _____ metros		Antigüidade _____	
ANCHO _____ metros			
DOCUMENTACIÓN DA QUE SE DEBE DISPOÑER NO MOMENTO DA SOLICITUDE			
• Permiso de conducir • Permiso de circulación • Certificado da ITV • Póliza de seguro de responsabilidade civil • Certificado que acredita a vixencia dos extintores			
A sinatura deste documento supón a aceptación das bases e expresamente do cumprimento das normas de seguridade recollidas no Anexo I.			
O Grove, 9 de xaneiro de 2016			
Sinatura do/a representante: _____			
Consonte o disposto na Lei orgánica 15/1999, do 13 de decembro, de protección de datos de carácter persoal, os seus datos serán tratados de xeito confidencial. Poderán ser incorporados aos ficheiros do Concello do Grove relacionados co Concurso de Disfraces do Entroido 2016, coa finalidade de utilizalos para as xestións municipais derivadas dos procedementos e consultas que inicia a persoa interesada nesta solicitude. En calquera momento poderá exercer os dereitos de acceso, cancelación, rectificación e oposición comunicándoo mediante un escrito que deberá presentar no Rexistro Xeral deste concello.			